

仙游縣志

(一)

仙遊鄉土志
(一)

仙遊鄉土地理

東來老人編輯

第一課 沿革之始

仙游之區域古為揚州地周時為七閩地春秋戰國時為越地秦時隸閩中郡西漢時隸閩越國為東冶縣地東漢時隸會稽郡為南部都尉地晉時隸晉安郡宋時隸晉平郡梁時隸南安郡陳時隸閩州郡光大二年改為豐州

第二課 名見載籍

我邑屹立於群山之中峯峦翠美多有仙跡唐天寶

元年改泉州為清源郡別駕趙頤正以縣與郡同名
非便奏請改之因改漢代有何氏九仙雲游入縣遂
改稱仙遊隸清源郡此仙遊名縣之始也

第三課 居民之始

仙邑僻處山陬居民屬閩七種人煙寥落自王潮渡
江中州衣冠入閩者有八族即林黃陳鄭詹邱何胡
是也時有張布茅顧等姓始散處仙邑土田漸闢從
此異姓人民亦陸續來居自此人家漸多成為斯邑
焉最近編查戶口全邑約有四十萬有奇

第四課 清源縣

隋開皇九年改豐州為泉州貞觀元年廢豐州以其地屬閩州聖歷二年復以豐州地為武榮州尋置仙遊為清源縣至天寶元年始改泉州為清源郡是仙遊之稱為清源縣則先于清源郡者若干年矣

第五課 興化縣

宋太平興國四年太宗閱游洋圖誌以游洋洞地險欲以德化之詔立為興化縣尋改為興化軍五年以莆田仙游二縣隸焉元皇慶二年以舊治地狹人稀

遷于廣業里湘溪名曰新縣號原縣曰舊縣明正統十三年改置兩縣以長樂武化六里入廣業里屬莆田永貴五里入興太里屬仙遊歷將五百年矣

第六課 置府

宋太平興國四年建太平軍于興化縣旋改為興化軍轄興化莆田仙遊三縣興國八年轉運使楊克讓奏游洋鎮輸^轉不便移軍治于莆田縣宋改為興安州元改為興化路明洪武二年改為興化府滿清沿明之舊民國二年府治裁撤而莆田仙遊二邑隸轄於廈

門道焉

第七課

仙邑疆域一

仙邑壤地褊小在福州省會西南三百二十里東西廣九十里南北袤二百五十里東抵俞潭鋪四十里莆田縣界西抵鵲鴿嶺六十里永春州界南抵白水坑七十里惠安縣界北抵小沽山一百五十里永福縣界

第八課

疆域二

仙邑疆域延袤三百里有奇東西狹而長北負山而

南阻海與一州五縣鄰東南抵長嶺五十里莆田縣
界西南抵白陽嶺北三十五里南安縣界東北抵石
門一百里莆田縣界西北抵磨石寨一百里德化縣
界

第九課 邑治形勢

邑治形勢秀鍾二蜚翠挹九朝東山左峙寶幢右
納百川之水匯之於虎嘯潭瀑布藍溪環流屈曲會
入木蘭陂又地界莆惠之間海陸舟車所會山川之
秀土田之美此天然造化是以據莆上游也

第十課 里圖

仙邑水繞山蟠交通便利亦東南之名邑也前清疆土分為四鄉十四里一百四十圖其在縣之西南者曰嘉禾鄉功建孝仁仁德三里屬之其在縣之西北者曰歸德鄉善化興賢萬善文賢四里屬之其在縣之東北者曰修德鄉永興折桂安賢興太四里屬之其在縣之東南者曰唐安鄉香田慈孝連江三里屬之

功建里說里附郭街有六巷有十九

里首功建邑治在焉二飛護衛一水迴環北逾富洋
山南至於溪東以走馬山為捍蔽西至田垠街慈濟
井東西狹而南北袤附近山岩多名勝以挹飛蒙泉
為最城東北隅有山曰金石中為書院登奎星閣而
望則荔陰松靄烟雨迷離南湖曲橋圖書館電光廠
湖心亭戲劇院衛生院及扶產醫院各種學校林立
衢巷夜春書聲相間而仙閣蒔花來者與父老共話
寒暄又融融如也

孝仁里說

里在縣南五里東接永興西接仁德里南接慈孝北
接功建其里內南有鳴峯山西有香炉山北愈會仙
溪迤邐至太平嶺東至永興為楓溪孔道而九朝天
馬諸山又為文廟之正對士生其間白岩以唐音名
朱少保父子以元祐風節著駸駸乎其有古之風也
仁德里說

里在縣西二十里東與孝仁里接壤西與南安縣界
南與晉安縣界北與善化里接壤其里內之白葉尖
聳于南與泉之晉安界則鍾石北山為南安之北界

室幢朔暨大汾東亘其間水泉者可資灌溉父老盛
稱化鶴啣花故事儒者或不言過萍齋元廟之故每
低徊久之猶想見隱君子之風焉

文賢里說

里在縣西五十里東與萬里善接壤西與德化縣界
南與永春州界北與興賢里接壤此里為邑之西極
屏山列嶂鄭廷綱之故居德化界之梁劍紫帽諸山
相與拱護南之岐山又為永春界竹木之饒匣山蔽
谷中多平田利耕作稱沃土焉

萬善里說

里在縣西三十五里東與善化接壤西與文賢接壤
東南至仁德接壤西南至永春界北至興賢里接壤
西逾白鴿嶺為永春南望帶軸若阮若見東距歸仙
嶺北距礪壁其地橫亘多山正奏之下葉正題簡所
鍾靈也若陳當時之於席帽清源侯之於留峯陳修
覺民撰之於拓山好古者將按圖而求之始知地以
人傳耶

善化里說

里在縣西十里東與孝仁里接壤西與萬善里接壤
南與仁德里接壤北與安賢里接壤其里內有東山
者隋唐舊植之桂節目皆花過烏臺訪景深之故宅
雙髻鍾山蒼蒼如有靈氣滄溪一水匯文殊大澗環
繞邑治其源獨遠地廣濶人饒衍北逾林一嶺南逾
玉湖山西有歸仙東為泗洲亭是謂善化里焉

興賢里說

里在縣北一百二十里東至安賢接壤西至萬善接
壤南至善化接壤北至永福縣界其里內多山有白

硯九座大勳上至多硯后岸如建瓴然后岸為縣之
北極界連永福蔬笋杉松森秀環簇民鮮外務無善
靡之習山水幽邃幾如武陵之桃花源

永興里說

里在縣東南十里東至香田里接壤西至孝仁里接
壤南至慈孝里接壤北接功建里其里內有高大磅
礪之洪山西有羅山東有留仙北至溪望城市如襟
帶水自仙嶺來者西漢興寨嶺諸澗合北出新橋入
藍溪瑞溝諸水又東出香田其地狹而毓秀其間多

偉人蒼松翠竹時與煙霞相掩映云

拆挂里說

里在縣東二十里東至莆田縣西至功建里接壤南至香田里接壤北至安賢里接壤其里內東愈新峰山則為莆田其間平疇曲澮潏洄縣亘為邑東沃野自鷄子城以往如銅盤灵岩崑崙龜城諸山多鍾神秀而天馬特為奧闕何嶺之巔摩厓大書陳崇清字諱之舊勒在馬殿中侍御可循麓而得也陟高峰以望海日扶輪射矚俯視水田白鷺如綠盤点雪痕步官

道橋踏月放歌飄飄乎有凌雲志

安賢里說

里在縣東二十五里東至興太接壤西至善化接壤南至拆桂里接壤東北與興太里接壤西北至興賢接壤其地域從拆桂里西北隅沿溪澗而入峰迴路轉如遊盤谷之險仄處幾不容人跡箐篁密霧陰晴變幻別一洞天也旗山展秀北瞻高望一峰卓立竦向如裁冠執笏郭郎中之忠烈猶堪想像也碧溪赤石人烟稠密由十八灣而上則亘亘蒙蒙染衣欲翠